

DI TODO UN POCO PA

REFLEXIONA

CONSEHO Electoral a informa cu conforme Ordenansa di Partido Politico, candidatonan riba lista di partidonan politico y e partidonan politico, cu ta participa n'e eleccion di Parlamento dia 6 di december 2024, tin e obligacion pa entrega na Comision Finansa Partidonan Politico su registracion sistematico di tur donacion ricibi, ademas di esaki mester entrega tambe un resumen di e ingreso y gastonan di otro actividadnan di recaudacion di fondo, durante e periodo di 12 luna prome cu dia di votacion pa eleccion di Parlamento. E entrega di dicho registracion y resumen ta dividi den dos periodo. E prome periodo ta vence dia 22 di november 2024 y e di dos periodo ta vence dia 13 di december 2024. E Comision Finansa Partidonan Politico a notifica e candidatonan riba lista di partidonan politico y e partidonan politico di nan obligacionnan.

E Comision Finansa Partidonan Politico lo publica un resumen di e donacionnan haci via di e website di Consejo Electoral.

E ley aki a wordo traha pa miembronan di MEP, Rocco Tjon y Edgard Vrolijk, pero cu awor expertonan ta bisa, cu e ta un ley cu yen di eror. Con ta posibel cu e ley aki a keda aproba den Parlamento sin un debido studio. Awe cada partido tin masha problema pa ehecuta e ley aki.

P.E. segun e ordenanza, e candidato y/of partido cu no cumpli cu e ley, dicho candidato lo por haya un boet di 5 mil florin of 3 luna cera. Si e partido no cumpli e boet ta mas halto t'e directiva di e partido, cada uno lo keda sanciona. Den mesun ley aki ta menciona cu un candidato no por haya un donacion di mas di 20 mil florin y si haci donacion na partido, e no mag di surpasa 50 mil florin. Manera CE a laga sa cu nan lo publica un resumen di tur donacionnan haci na cada partido. Ban spera cu CE lo sa di cumpli tambe cu e ley, pa pueblo tin transparencia di e donacionnan haci.

E prome periodo di e ley aki a vence caba siman pasa, esta dia 22 di November. Lo ta bon pa sa cuanto partido a cumpli cabalmente. E di dos parti di e ley lo vence dia 13 3 di December awor.

Hecho ta cu si mira con campaña a y ta bayendo, ta dos partido so tin hopi gasto. Nan ta AVP y MEP, ta nan dos so tin cantidad di bandera hisa y a druk masha sticker y flanel. Tur otro partido no por afford e gastonan manera ley ta permiti. P'esey hopi observador ta haya cu e campaña di e biahe aki, ta masha sober, masha flauw, sin gana, cu ta motibo pa predecir e resultado.

NOS a haya un dicho masha yamativo den e dianan aki t'e puro berdad y ta bisa asina: *"Felicitá un politico p'e obra cu el a haci cu bo placa (Placa di Pueblo), ta mescos bo ta celebra e cahero automatico (bo ATM) pa duna'bo bo placa"*.

DEN un reciente consejo di Raad van Advies ta anota cu presupuesto di Pais Aruba ta musta riba e hecho cu na 2024 so caba indexering aki a costa mas di 21 miyon florin cu tabata pa 6 luna so, loke kier men cu pa 2025 e suma total lo ta mas halto. Di e manera aki, segun RvA, esaki ta un factor mas importante den aumento di gasto total di Gobierno na 2025. Pa colmo RvA no por a topa cu un cifra concreto di cuanto e aumento aki lo bay costa nos. Ta nos pueblo tin cu paga esaki toch?

MENSAHE DI DIA
29 november, 2024

AMITA

e Lus, e Alegria, y e Paz
manifestando den tur cos.

e Poder den Mi

Den colaboracion cu *Aruba Incense*

Instagram YouTube e Poder den Mi

OFICINA di Maneho di Crisis a haya necesario pa convoca un conferencia di prensa, despues di e dos dianan di un palisa di awa pa splica of miho dicho hustifica nan maneho.

E ta manera ta ser bisa: “Moster na de maaltijd”. Awor ta ser bisa cu: “*Cambio di Warda a causa cu no a bati alarma p’e mal tempo cu a suta Aruba*”.

Confirmando con atrasa nos ta cu tur e modernismo awendia. Pa colmo bisa tambe cu ora tin nubianan tropico (carga cu awa) ta dificil pa haci un pronostico den 3 pa 6 ora. Pueblo tin cu kere e bobedadnan aki? A otro perro con ese hueso.

DESPUES di un caida di awa torencial, semper tin su consecuencia. Varios habitante ta bira un damnificado y Gobierno sa esey. Contrario na otro paisnan, Aruba si no tin un fondo pa yuda e damnificadonan. Boso por a tende algo asina den e campaña electoral aki? Cu lo crea fondo pa yuda un damnificado di cualkier calamidad cu por asota nos pais? No, ki mishi. No tin placa toch?

CAFT den su ultimo raport ta duna Gobierno di Aruba toch un bista positivo, pero den mesun rosea CAFT ta laga sa cu e Gobierno aki ta bolbe faya dor di nenga di duna publicidad na reduci gastonan di su personal.

E comision di supervision financiero den su carta na Minister demisionario, Xiomara Maduro cu pa tantisimo ocasion pa Gobierno tene su mes n’e palabracion haci den LAft, pero ta “lubida” di cumpli cu esaki, esta decisionnan cu Prome Minister Wever Croes mes a firma.

DEN e dianan aki, caso Flamingo sigur ta hala atencion. Manera Otmar Oduber a bin ta declara, cu e ta inocente, pero Fiscal di Ministerio Publico a bin cu su ponencianan y pakico ta considera Otmar Oduber culpabel. Nos no ta bay den detayes di e caso mes, ya cu el a ser bon cubri pa nos medionan di prensa. Si nos kier ilustra un ponencia di parti di Fiscal, kende a bisa: “*Ministerio Publico a cumpli cu*

loke Otmar Oduber mes a declara na 2019 den un conferencia di prensa, cu mester investiga tur caso di corrupcion. Y sigur investiga politiconan cu ta privilegia nan hendenan”. Y esey ta loke ta pasando cu Otmar Oduber awor, segun Fiscal.

LOKE tambe a hala atencion si nos keda den husticia, ta ora cu Hendrik Croes, omo di Glenbert Croes no a sconde su opinion riba funcionamiento di Ministerio Publico, cu el a yama loke OM ta haci cu Glenbert Croes un hecho estúpido. Awor cu cuero a keda pica, OM ta haya su critica skerpi di un abogado di mas di 60 aña di Servicio. OM ta detene hende, bisa cu nan ta sospechoso, pero no ta atende cu e caso mas, pero si a sa di susha number di esnan involvi.

Otmar Oduber di PPA kende a bisa di lo no forma un Gobierno cu partido MAS di Marisol Tromp, den su reciente declaracion, el a laga esaki tog un posibilidad, ora Otmar Oduber a laga sa cu PPA ta dispuesto pa forma un Gobierno cu tur partido politico.

'Tis the Season to Mingle

Christmas Dinner & Dance Party
@Renaissance Convention Center

DATE: Thursday, December 19, 2024

TIME: 7:30pm – 12:30am

Afl. 95.00 per person

- All-You-Can-Eat Christmas Buffet
- Cash Bar in Aruban Florin
- Door Prizes
- Welcome Drink

Entertainment by:

Edjean Semeleer & Rocco Franken from 7:30pm – 8:30pm

BULERIA & Megateca Genie from 8:30pm – 12:30am

For More Information, Please Call:

Jaysley at 5236405

Magaly at 5236404

Sue-Ann at 5236403

R
RENAISSANCE®
CONVENTION CENTER